

पोस्ट च केन्द्रीय गृह मंत्री अमित शाह होंरें जानकारी दिती जे कमेटी दी अध्यक्षता सुप्रीम कोर्ट दे साबका जज जस्टिस प्रकाश प्रभाकर Naolekar होंर करगंन। जनगणना कमीशनर- साबका I.A.S कमीशनर- दुर्गा शंकर मिश्रा ते साबका I.P.S अफसर बाला जी श्रीवास्तव ते अर्थ शास्त्री डाक्टर शमिका रवि होंरें गी कमेटी दा मेम्बर नियुक्त कीता गेआ ऐ। गृह मंत्रालय च Foreigners -1 विंग दे सह-सचिव होंर इस कमेटी दे मैम्बर सैकेट्री होंगंन। प्रधानमंत्री नरेन्द्र मोदी होंरें भरु लाल किले थमां स्वतंत्रता दिवस भाषण दौरान इस कमेटी दे गठन दी घोषणा कीती ही।

<><><><><><>

Anti Drone System

केन्द्री गृहमंत्री अमिता शाह होंरे आखेआ ऐ जे सरकार ड्रोन राएं नशा ते हथयारें दी तस्करी उप्पर रोक लाने लेई अगले 6 महीने दे अंदर-अंदर ड्रोन विरोधी सिस्टम लाने दी प्रक्रिया च ऐ। राजस्थान दे बीकानेर जिले दे सांचू सीमा चौकी पर बी.एस.एफ दे जोआनें गी सम्बोधित करदे होई कल गृहमंत्री होंरें आखेआ जे जित्थे बन्ने पारा थमां पैदा होने आहले खतरे अजें बी ऐन-उत्थे गै मुख्यै अंदर इनें खतरें गी मदद करने आहलें उप्पर बी बरोबर ध्यान देना लोड़चदा ऐ। श्री शाह होंरें इस गल्ला पर जोर भरेया जे ड्रोन भारती इलाके च उतरदे न ते इस थमां समेयान गी हासल करने आहलें दी पंछान करने ते खतरें गी असरदार ढंग्गै कन्नै बेअसर करने लेई मकामी पुलस ते सिविल प्रशासन कन्नै नेड़मा तालमेल जरुरी ऐ।

<><><><><><>

MEA Statement

भारत नै केन्द्र शासित जम्मू-कश्मीर गी लेइयै चीन ते पाकिस्तान आसेया जारी सांझे ब्यान च कीते गेदे अनुचित संदर्भे गी सिरे थमां नाकारी दिता ऐ। मीडिया बारे पुच्छे गेदे सोआलें दे परते च विदेश मंत्रालय दे प्रवक्ता रणधीर जायसवाल होरें आखेआ जे भारत दी स्थिति ते सोच लगातार इक सार बनी दी ऐ ते सरबंधित धड़ें गी एह खरी चाल्ली पता ऐ।

उ'नें आखेआ जे जम्मू-कश्मीर ते लद्दाख- केन्द्र शासित प्रदेश भारत दा अनव्रुट ते अंह हिस्सा ऐ हे ऐन ते म्हेशा रौहगंन। प्रवक्ता होरें आखेआ जे इस बारे कुसै दुए मुख्यै आसेआ टिप्पणी करने दी कोई तुक नैई बनदी।

चीन -पाकिस्तान आर्थिक गैहल -CPEC परियोजनाएं बारे जिंदे चा किश भारत दी ज़िमी पर न- भारत नै सख्ती कन्नै आखेआ जे दुए मुख्यें आसेया पाकिस्तान दे नजैज़ कब्जें गी जायज़ आखने दी कोशिश- जां जबरन इनें इलाकें पर कब्जा करने दी सोची गई तां इसी बर्दाश्त नैई कीता जाहग। श्री जयसवाल होरें आखेआ जे एह गल्ल भारत आसेया पाकिस्तानी ते चीनी प्रशासन गी केंई बारी समझाई गेदी ऐ।

<><><><><><>

Doda Mishap

जम्मू-कश्मीर दे डोडा जिले च कल इक पुली जेहदे च अजें कम्म चला रदा हा-डिग्गने कन्नै इक महिला मजदूर दी मौत होई गई ते 12 होर मजदूर जख्मी होई गे। गंदोह तसील दे भलेसा

दे घिल नाले च एह घटना उसलै होई- जिसले इस पुली दा कम्म चला रदा हा। रिपोर्ट मताबक मलबे हेठ फसी दी इक महिला मजदूर दी मौके उप्पर गै मौत होई गई- जिसले के इस हादसे च 12 होर मजदूर जख्मी होई गे न। जखिमयें गी मकामी लोकें दी मदद कन्नै डोडा दे सरकारी अस्पताल पजाया गेआ। जखिम मजदूरें च मते सारे मजदूर बिहार दे रौहने आहले न।

<><><><><><>

College List

2026-27 आहलिएं Under Graduate एडमिशनें आस्तै मेदवारें गी अपनी मर्जी दे विकल्प दस्सने लेई जम्मू-कश्मीर दे उच्च शिक्षा विभाग नै <https://jkadmissions.in> पोर्टल पर आरजी कॉलेज Allotment ते ओहदे संभावित Cut-Off जारी कीते न। मेदवारें गी आखेआ जंदा ऐ जे ओह होर मते पसंदीदा कॉलेजें ते मजमूनें दे विकल्प दस्सन ते अपने आपै गी किश गै प्रोग्रामें तकर महदूद नैई करन।

<><><><><><>

Cops Fire

जम्मू दे गांधी नगर इलाके च पुलस गी गोलीबारी करने पर मजबूर होना पेआ। जिसलै कल संजा किश असामाजिक तत्वें पुलस गड्डी गी टक्कर मारी ते कथित तौरा पर जांच करने दरान पुलस पार्टी पर गोलीबारी कीती। मीडिया रिपोर्ट मुजब पुलस ने केस दर्ज कीता ऐ ते अपराधियें गी फगड़ने दी तलाश अजें जारी ऐ।

<><><><><><>

CS Digital

मुख्य सचिव अटल डुल्लु होंरें कल पूरे जम्मू-कश्मीर च जमीनी रिकार्ड दे डिजिटलीकरण ते आधुनिकीकरण सरबन्धी प्रगति दी समीक्षा कीती ते पारदर्शी ते तकनीकी तौरा पर चलाए जा'रदे माल मैहकमे प्रशासन पर जोर दिता। मुख्य सचिव होंरें तसीलदारें गी निर्देश दिता जे ओह एह यकीनी बनान जे प्रमाणिक डिजिटल रिकार्ड सार्वजनिक क्षेत्र पर उपलब्ध करोआया जाई सकै।



EID- Jammu

अज्ज पूरे जम्मू-कश्मीर च ईद-उल-अदा (बकरीद) दा त्योहार खुशी ते मुजहबी अकीदत कन्नै मनाया जा'रदा ऐ। जम्मू-कश्मीर च अज्ज ईद दी खास नमाज अदा कीती जा'रदी ऐ। लोक इस शुभ ध्याड़े पर इक-दुए गी शुभकामनां देआ रदे न। हज़रत इब्राहिम हुंदे सर्वोच्च बलिदान ते हजरत इस्माईल हुंदी अटूट भक्ति गी चेता करदे होई नमाजी मनुक्खता गी धर्म- सब्र ते अल्लाह दी मर्जी आहली बक्खी लेई जाने आहली विरासत गी चेता करदे न। जम्मू च जामिया मसीत तलाब खटिकां च होरनें मसीते च वक्फ बोर्ड आसेआ जारी कार्यक्रमें दे मताबक बक्ख-बक्ख थाहरें पर ईद दी खास नमाज अदा कीती गई। जम्मू दे बजार ईद दे मौके पर खास रौनक ते शैल सजाया गेदा ऐ। मुख्यें दे केई हिस्सें च बकरीद कल मनाई जाहग।



LG Eid

उपराज्यपाल मनोज सिन्हा होरें लोकें गी ईद-उल-अदा दे मौके पर शुभकामनां दितियां न ते सारे लेई सुख- शांति ते समृद्धि दी कामनां कीती। उपराज्यपाल होरें सारें गी मबारकबाद दिंदे होई ईद-उल-अदा गी बलिदान-एकता-भाईचारे ते मनुक्खता गी प्यार करने दा त्योहार आखेआ ऐ।



Omar Eid

मुख्यमंत्री उमर अब्दुल्ला होरें बी जम्मू-कश्मीर दे लोकें गी ईद-उल-अदा दे शुभ मौके पर शुभकामनां दितियां ते सारें लेई सुख-शांति ते समृद्धि दी कामना कीती। मुख्यमंत्री होरें आखेआ जे ईद-उल-अदा बलिदान- करुणा- उदारता ते अल्लाह उप्पर पूरी चाल्ली विश्वास गी दर्शादा ऐ। उ'नें आखेआ जे इस त्योहार कन्नै पूरे जम्मू-कश्मीर च सोहार्द- सम्मान- समाजी एकता होर बी मजबूत होग। उमर होरें लोकें अग्गे अपील कीती जे ओह गरीब-जरूरतमंद दी मदद करिये इस त्योहार दी खुशी गी होर बी बधान।



Holiday

ईद-उल-अदा दे मुबारक मौके गी दिक्खदे होई 29 मई 2026 गी बी जम्मू डिविजन दे सब्भै सरकारी ते निजी स्कूल बंद रौहगंन। डायरेक्टर स्कूली शिक्षा जम्मू आसेया इस सरबंधै च कल जारी इक हुकमै मुजब 29 मई गी स्कूलें च छुट्टी दी घोषणा कीती गई।



LG- JKACCL

लेफ्टिनेंट गवर्नर मनोज सिन्हा हों कल लोक भवन श्रीनगर च कला- संस्कृति ते भाषे सरबन्धी जम्मू-कश्मीर अकादमी दी केन्द्री कमेटी कन्नै उच्च सतह दी मीटिंग दी अध्यक्षता कीती। मीटिंग दौरान लेफ्टिनेंट गवर्नर हों अकादमी दिये सब्भने लाइब्रेरिये दी डिजिटिकरण प्रक्रिया गी तेज करने ते अकादमी दे कलाकारे ते अमले दे समर्थ निर्माण लेई इक शैल चाल्ती तयार कीती गेदी योजना दी अमलावरी दे निर्देश दिते। उने अकादमी गी कलाकारे गी मानता देने आहली प्रक्रिया गी तेज करने ते खाली थाहरां पुर करने दे बी निर्देश दिते। कमेटी गी जानकारी दिती गेई जे अकादमी नै जम्मू-कश्मीर ते मल्खे दे दुए हिस्से च 470 प्रोग्राम करोआए जिंदे च 14 जहार 117एं कलाकारे ते लखारिएं हिस्सा लैता।



Weather

जम्मू च जारी गर्मी दे चलदे ज्यादा शा ज्यादा तापमान 40 डिग्री सैलसियस दर्ज कीता गेआ। उआं जारी गर्म मौसम दे मद्देनजर सरकार नै सुरक्षत रौहने ते गर्मी थमां बचने लेई किश दिशा-निर्देश जारी कीते न। DIPR नै इक सोशल मीडिया पोस्ट च लोके गी सलाह दिता ऐ जे ओह बच्चे गी ते पालतू जानवरें गी खड़ीती दी गड्डी दे अंदर नैई छोड़न। मते थमां मता पानी पीन पीक घंटे च घरे दे अंदर गै रौहन ते बुजुर्गे ते गर्भवती महिलाएं दी खास दिक्खभाल पर जोर दिता ऐ।